

章邱縣鄉土志

卷下

22.6224
0077.073
2

Kodak Color Control Patches

4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 35

0 10 20 30 40 50 60 70 80 90 100 110 120 130 140 150

章邱縣鄉土志門類目錄

卷下

氏族

宗教

實業


地理

山

水

道路

鄉土志目錄



物產
商務

氏族

張氏先世臨洮人也大宋乾德二年避亂徙章邱明正德間居邑之張公巷年漳河水決百里無稼復徙章邱明正德間居邑之張公巷汝蘊明萬曆庚辰進士官至陝西按察司副使其後瓜綿椒行科甲纍纍家慶明萬曆舉人篤行順治丙戌進士辛卯典試河南遷建南分巡道官至按察司僉事曠順治舉人滢康熙副貢任州同夢白康熙進士任知縣永熙進士雍正舉人濯清朝琛康熙舉人皆任學正玉式乾隆明通進士任知縣思式乾隆拔貢舉人當時汝蘊子孫多拔巍科思歲廩附諸



生不可枚舉至今氏族昌熾散居各村列膠庠者尤蟬聯不絕云

焦氏原籍直隸棗強縣明初遷居章邱縣戶口甚多支姓繁衍馨前明萬曆辛丑進士官甯夏巡撫右副都御史日芬

國朝以歲貢官江西建昌府推官毓慶以拔貢官江西永新縣知縣禦寇殉節毓瑞順治丁亥進士官翰林院庶吉士官至戶部左侍郎日藻順治丁酉武舉宏年以貢生官掖縣教諭毓棟康熙己未進士官吏部考功司郎中毓鼎康熙辛未進士官湖廣鍾祥縣知縣綏祚康熙癸巳進士官內閣中書奉天經歷

祈年雍正癸卯進士官翰林院編修官至奉天府府尹汝夔雍正癸卯舉人汝益雍正丙午舉人爾厚乾隆庚午舉人官貴州遵義府知府式冲乾隆壬辰進士官知縣以潤乾隆己酉進士官河南淮甯縣知縣友麟道光癸巳進士官翰林院編修改官御史山西學政肇瀛道光甲辰進士官肇駿同治戊辰進士官翰林庶吉士改廣西貴縣知縣起騫由蔭生官湖北巴東縣知縣日芬以下皆馨子孫也至今邑人稱為望族

孟氏亞聖裔明初遷居邑之舊軍鎮代有聞人羣推望族廷狀乾隆甲子舉人廷對乾隆丙戌進士官雲南建水直隸盧龍

福建崇安等縣知縣毓荀乾隆戊申舉人毓健嘉慶乙卯副
貢官昌樂縣教諭雲峯由廩貢生官昌樂縣教諭戶部廣東
清吏司主事鶴林道光辛卯舉人官四川蒼溪縣知縣前藏
察木多軍糧同知傳汝道光乙未舉人官東阿費縣等縣教
諭傳鑄道光丁酉拔貢官直隸趙州州判鈺道光甲午舉人
鄒縣教諭懷川官貴州思州府知府傳璵官中城兵馬司指
揮憲璋同治甲戌進士官河南扶溝縣知縣廣模光緒庚寅
進士官刑部主事繼笙江蘇候補道廣涵光緒丁酉舉人其
他遊庠食餼以孝友異行稱者難以悉數

王氏世居邑東南十五里相公莊有明以來科甲纍纍春舉春
騰春蛟春鯨皆明武舉君實康熙副貢廂黃旗教習家斌康
熙武舉文鍾雍正舉人其恂乾隆拔貢萬清乾隆武舉以均
嘉慶舉人延壽啟芳皆由歲貢任知縣海林守勛道光武舉
家璋歲貢任訓導宸誥欽賜副貢鴻聲光緒甲午副貢列邑
庠者尤衆族姓繁行爲一村之冠

胡氏原籍棗強明初徙邑之三盤莊或居城或居鄉自明鄉賢
僉都御史東漸以後代出偉人世藻康熙丙辰進士累官至
布政使參議祀鄉賢九霞乾隆庚午舉人子襄子翼乾隆庚

辰同榜舉人予襄官刑部主事予翼官濱州學正族支繁衍於邑稱最

謝氏原籍棗強明洪武二年徙邑之城裏或分居各村謙景泰舉人官蒲州知州九敘嘉靖舉人任知縣九儀嘉靖壬辰進士累官至兵部左侍郎啓光萬曆丁未進士官至尚書葆光天啟武舉官至都司世爵順治乙酉武解元己丑武進士官泗州衛守備斌順治甲午武舉支派綿延五百餘戶實大族也

高氏明初由棗強遷邑之西關或散居各村世以詩書孝友傳

家棟明宏治舉人官河南南陽府通判外官知縣者二人官鴻臚寺光祿寺者三人官通同者二人官佐雜者十人應祀歲貢生官元丞縣丞工詩詞著作甚富頤潛心經學著四書憶解星命醫學諸集兩獻太平拾策錦城功烈皆嘉慶間武舉汝梅道光辛巳舉人官內閣中書志城庚子舉人官新秦訓導赤城楓諭皆官兵馬司指揮湘城歲貢生官萊州府教授建勳援例任趙州知州鑑清咸豐辛酉拔貢八旗漢教習毓蕙同治甲子舉人揀選知縣毓蘭增貢生任日照縣教諭保升知縣淑勛光緒乙酉舉人官邵武縣知縣鍾璐廩貢生

任掖縣教諭現致仕家居淑怡甲午副貢候選教諭淑恂庚子辛丑并科副貢士璞附貢生現任青城縣教諭始遷至今共二十五世人丁繁衍於邑稱望族焉

宗教

回教詳見人類

天主教自康熙初年始傳入本境迨咸豐光緒年間又續添教堂計胡迪莊教堂一處教民一百二十四人三盤莊教堂一處教民十人四盤莊教堂一處教民九十六人滕棚莊教堂一處教民四十人明水寨教堂一處教民十二人共計天主教二百八十二名

耶穌教自光緒十四年始傳入本境其後又續添教堂計張家林教堂一處教民二十九人油房莊教堂一處教民三十

人北辛莊教堂一處教民十八人毛家店教堂一處教民三十人辛王店教堂一處教民二十六人潘家莊教堂一處教民四人關雞台教堂一處教民十三人東彩石教堂一處教民四人孟家莊教堂一處教民七人本城教堂一處教民三十五人名流莊教堂一處教民三十四人席家莊教堂一處教民五十四人共計耶蘇教二百八十四名

實業

農居十之五商居十之三士與工十中之二而工居多數

商

縣境戶口甚繁土穀所出不足以供食指故懋遷有無在本境者猶少而在外州縣以及外省者恒多凡章邱人所設店舖皆用鄉里人作夥如濟南如周村如津滬漢口等處其大較也城鄉自鹽當而外無多大商以東西間於周村省城商埠間也

士

邑中惟經商者多故士不免有紛志然潔已好修者亦不乏人自科舉停學堂立除由科甲各入仕途外或赴東洋北洋遊學或至高等師範肄業者尚數十人餘則多由速成師範畢業教授鄉里初級蒙學而已

農

縣境無曠土以務農者衆也成頃之田大戶可以指數若成畝而自食其力者比比皆是且農戶之家兼樹藝故農婦亦得課桑麻

工

邑多山而取材甚富者莫石工若徧觀各處坊表橋池以及官廨寺觀之基礎往往精緻工巧不為怪也又鐵工在城鄉者十之一二在外府以及各省者甚多每年春出冬歸習以為常無鄉鎮無之餘工皆如常不見多數

地理

章邱縣在濟南府之東北一百十里

四界 東界鄒平縣二十里至鄒平縣城六十里 南界萊蕪

縣八十里至萊蕪城一百八十里 西界歷城縣二十里至

歷城縣城一百一十里 北界齊東縣四十里至齊東縣城

九十里

四隅 東南至淄川縣界六十里至淄川縣城一百一十里

西南至歷城縣界七十里 西北至濟陽縣界六十九里至

濟陽縣城七十里 東北至鄒平縣界至齊東縣界各計三十

里

邑分六鄉在城曰闕廂鄉東北曰清平鄉西曰西錦鄉東曰東錦鄉南曰明秀鄉北曰下三鄉今改名正字鄉分闕廂鄉為九里清平鄉為九里西錦鄉為九里東錦鄉為十里明秀鄉為十里正字鄉為九里共五十六里

古蹟

土鼓城

在縣治東南二十五里明水鎮東

陽邱城

在縣治北七里回軍鎮

水寨城

在縣治西北二十里今水寨

衛國城

在縣治西南五十里雞山圈

亭山城

在縣治西南六十里

肥鄉城

博平城

在縣治東南三十里博平鎮

甯戚城

在縣治東北二十五里

獠城

在縣治西北一十五里俗名古城

管城

崔氏城

在縣治西北七十里大清河之濱俗名土城

臨濟城

在縣治西北六十里臨濟鎮

東朝陽城

東平陵城

全節城

譚城

臺城

廣宗城

在縣治東南五十里文祖鎮

高唐城

樂盤城

在縣治南二十七里

清平軍

在縣治北十五里舊軍鎮

營城

賴亭

標竿鎮

聊城

頓邱城

延安鎮

今為齊東縣地

白子友嘯臺

在平陵城南山

釣魚臺

在縣治南十八里高三丈方十餘丈上有姜太公

嚴子陵廟有井深不及臺之半四時不竭號曰懸泉

鬥雞臺 在縣治西南五十里雞山園

甘澍亭 在女郎山金縣令劉思溫建

繡江亭 在縣治東繡江東岸

飲江亭 在縣治東南五里元縣令李惟肅建

含輝亭 在縣治東南五里元劉文簡敏中建已廢

野亭 劉文簡敏中建

濯纓亭 在縣治東南二十餘里明水鎮東麻灣上張受益

建

藏雲亭 在縣治東南十五里元浙江行省參政張友諒建

柏軒 在縣治西南頓邱莊齊處士宋慶餘築

三辛樓 在縣治北邑人喬岱建以祖木正統辛酉父奉先

成化辛卯岱宏治辛酉先後中禮魁故名

望江樓 在縣治東繡江之濱前明正德年知縣呂秉彝建

中麓書院 在縣治西南隅邑人李開先建

萬卷藏書樓 在縣治西南隅李開先建

馬文閣 在縣治西南隅李開先建

思居亭 在縣治北八里耿家莊邑人劉祿建

大觀樓 在女郎山明萬曆年知縣王振熙建

鐘樓 在縣治西南有監察御史李錦堂重修記

巽峰塔 在縣治東南城上

樂山亭 在縣治東長白山下邑人劉茂蘭建已廢

漪漪亭 在明水鎮邑人康迪吉建

南園 在明水鎮邑人康大猷置竹木千章構亭曰竹亭因
以自號云

北園 在明水鎮北康大猷置

余青園 在縣治西三里許邑人焦馨歸田時所創置也

芙蓉館 在縣治西南隅邑人袁聲建

嘯園 在梭山之陰邑人李縉明建

露園 在縣治南二里許邑人焦毓棟置為遊憩之所竹木

蕭森亭閣軒殿

石筍亭 在縣治東南邑人弭光崇建

繡江園 在縣治北回軍鎮邑人劉渡建

御筆亭 在西頓邱莊乾隆二十七年壽民王欣然王瑞然兄弟恭

建

猗清園 在明水鎮邑人康星燾置饒有竹木水泉之勝

周鄒衍墓 在縣東十里

王燭墓 在縣東十五里

漢酈食其墓 在縣北臨濟鎮南

劉敬墓 在縣西十餘里有大家相傳為敬墓

平陵王墓 在縣西南四十里危山之巔墓旁有祠

周登墓 在危山之陽

終軍墓 在臨濟鎮西南

馬融墓 在臨濟鎮南

隋房彥謙墓 在縣西南七十里趙山之陽

宋穆賓墓 在女郎山之陽

廉復墓 在縣東南二十里廉家坡

金朮虎通墓 在女郎山前

元劉敏中墓 在縣東南五里西泉莊

張友諒墓 在縣東南十五里相公莊東南

張養浩先塋 在縣東南相公莊

張起巖墓 在相公莊東南

魏誼墓 在縣東南西泉莊

劉府君侯墓 在女郎山後端巖峯左側

明洪漢墓 在縣西南十五里

劉棠墓 在縣北三十里張家林鎮西

雙烈墓 在女郎山

烈女申記兒墓 在縣北十五里舊軍鎮

楊烈婦墓 在縣東五里山頭店西

夏時墓 在女郎山

華珩墓 在女郎山

張茂蘭墓 在縣東十五里

張舜臣墓 在縣西十五里

謝九儀墓 在縣南三里賜祭墓

劉潤墓 在縣東山頭店

李寬墓 在縣南二十里明水鎮西

王曷墓 在縣西北四十里王家寨

康迪吉墓 在縣南二十里

楊選墓 在縣東二里

李開先墓 在縣南三十里賜祭墓

劉祿墓 在縣北五里

王儀鳳墓 在縣南四里

張應吉墓 在縣西南三里

淄川巡撫韓浚墓 在縣東南

淄川巡撫畢自肅墓 在縣南三十里

焦馨墓 在縣南一里賜祭墓

國朝謝啟光墓 在縣南二里

焦毓瑞墓 在縣南一里

懋城布政朱絳墓 在趙山之陽

李慎修墓 在縣東南二十里鳴羊山麓

焦祈年墓 在縣南

崔可訓墓 在縣西南四十里劉官莊

焦爾厚墓 在縣西南西花園莊西

祠廟

聖廟 在縣治西南隅

明倫堂

尊經閣

文昌宮 名宦祠 鄉賢祠 忠孝祠 節義祠

敬一箴亭

社稷壇

山川壇

先農壇

邑屬壇

關帝廟

大王廟

龍神廟

將軍廟

城隍廟

坊表

旬宣坊

在布政分司門外

肅清坊

在按察分司門外

務本坊

在東街口

力田坊

在西街口

由義坊

在南街口

溥化坊

在北街口

狀元坊

在繡江橋西為張起巖建

進士坊

為洪漢建

攀龍坊

為洪漢建

方伯坊

為洪漢建

都憲坊 為洪漢建

進士坊 為張晟建

冲霄坊 為張晟建

世科坊 為劉棠建

恩榮坊 為劉棠建

進士坊 為劉樂建

恩榮坊 為華珩建

柱史坊 為王昂建

少司空坊 為王昂建

方伯坊 為李冕建

父子進士坊 為袁弼袁軒冕建

恩榮奕世坊 為袁軒冕建

吏部坊 為李開先建

進士坊 為謝九儀建

恩榮坊 為謝九儀建

大中丞坊 為謝九儀建

少司馬坊 為謝九儀建

兩部亞卿坊 為張舜臣建

大總憲坊 為張舜臣建

總牧兩京坊 為張舜臣建

司諫坊 為劉祿建

欽授坊 為楊選建

恩榮坊 為李化龍建

世薦鄉書坊 為袁通袁弼袁慶袁公冕袁勳袁軒冕建

世魁坊 為喬奉先建

鄉進士坊 為劉澍建

從龍坊 為馬驄建

攀蟾坊 為周具瞻建

鄉進士坊 為謝謙建

容臺坊 為司賓署署正高進建

鄉進士坊 為劉坦建

兄弟舉人坊 為袁軒冕袁公冕建

勅贈吏部郎中坊 為李開先之父李瀉建

勅贈少司空坊 為張舜臣之祖張統建

勅贈通議大夫坊 為張舜臣之父張燦建

勅贈監察御史坊 為楊選之父楊盈建

勅贈兩世同鄉坊 在明秀門內為胡東漸之父建

勅贈三世中丞坊 為焦馨之祖焦崢父焦瑁建

烈女坊 在舊軍鎮為申記兒建

雙烈坊 在城隍廟南為姜守身妻楊氏婢盛兒建

橋梁

錦江橋 在縣治東南明水鎮前明隆慶六年重修道光十

二年康星燾倡修

西泉橋 在縣治東南眼明堂東

繡水橋 在縣治東南淺井莊東

高家雙橋 在縣治東南後營莊東

南繡江橋 在縣治東南宮王莊東

樊家莊橋 在縣治東南

南太平橋 在縣治東南三盤莊

金盤南橋 在縣治東南

金盤北橋 在縣治東南亦名壽金橋

北繡江橋 在縣治東

臨江橋 在縣治東北漁家莊

近江橋 在縣治北口湑頭莊

從化橋 在縣治北回軍鎮

鼎新橋 在縣治西北大溝涯

濟涉橋 在縣治西北水寨鎮南

豐江橋 在水寨鎮西

永濟橋 在水寨鎮西康家莊

跨江橋 在縣治西北張家林鎮

普濟橋 在縣治東南普濟鎮東

永度橋 在縣治東南東皋莊

漯河橋 在縣治東茂李莊東

濟眾橋 在縣治東石家堰東

朝陽橋 在縣治東山頭店

清平橋 在縣治東北田官莊

聯石橋 在北太平橋南

北太平橋 在縣治北刁家莊

通濟橋 在縣治北鮑家莊西

集錦橋 在萬山莊

壽山橋 在集錦橋南

荆木橋 在龍化莊

迎仙橋 在荆木橋西

興隆橋 在龍化莊南

碌礪橋 在十九郎莊

裕泉橋 在碌礪橋西

東太平橋 在李家莊南

連海橋 在海套園

龍泉橋 在龍寨東

潔上橋 在石棚西南

繩峪橋 在繩峪莊北

蒙坡橋 在蒙坡峪西

龍門橋 在羅家莊南

利濟橋 在涼水泉下

大成橋 在大柏莊東北

河溝橋 在滴水泉下

百花橋 在東鈞突泉下

丹陽橋 在鳳嶺北

溝南橋 在小柏莊北

烏龍橋 在月灣泉上

馬鞍橋 在海套園內

雙龍橋 在侯家莊東

土泉橋 在土泉上

馬頰橋 在麓泉上

三空橋 在萍香泉上

官道橋 在石棚東

芙蓉橋 在西趙莊

甘泉橋 在池子頭東

玉泉橋 在玉泉莊南

大道橋 在東埠莊

梭山橋 在校莊中

利津橋 在舊軍鎮

渠野橋 在小龍堂

市鎮

里之為鎮者十有八

舊軍鎮 埠村鎮 普濟鎮 清平鎮 文祖鎮 明水鎮

張家林鎮 魏郭林鎮 涓口鎮 大寨鎮 博平鎮

大冶鎮 危山鎮 段家橋鎮 水寨鎮 辛家寨鎮 柳

塘口鎮 臨濟鎮

鄉之設集者三十

東關 西關 南關 北關 埠村 辛家寨 山後寨

普集 臨濟 水寨 刁家莊 明水鎮 相公莊 段家

橋鎮 山頭店 舊軍鎮 博平 大寨 清平 回村

辛店 十八戶 郭太師庵 張家林 涓口 柳塘口

王家店 呂家寨 頓邱 司家莊

學堂

官立高等小學堂 一處

官立初等小學堂 八處

師範傳習所 一處

民立高等小學堂 四處

民立初等小學堂 十六處

丰日學堂 一處

勸學所 一處

山

長城嶺 在縣治南百餘里南連泰安萊蕪界東至劈林尖山
接淄川界西至天羅頂連歷城界俗名長林嶺上有古長城
遺跡相傳齊所築以禦楚西距平陰東距大海

天羅頂 在縣治西南百餘里來脉自歷城東南梯子山經紅
泉峪連陰棧二山峭壁競秀章邑西南諸山無高於此者上
有四界石南泰安東萊蕪東北章邱西南歷城也巨河發源
於山東峪中

西龍洞 在縣治西南六十餘里山洞深邃入數里許有泉一

自上滴下下有石盆盛之四時不竭遇旱取水禱雨輒應旁石壁有龍形隱隱可見

石棚頂山俗名石棚溝 在縣治正南九十餘里亦係連界之山周十餘里南泰安西歷城東南萊蕪東北二面皆章邱地縣南諸山皆自此發脉瓜漏河發源於此

雙尖山 在縣治南七十里石棚頂之北山有兩峯陡插青雲

如燈焰狀

大治河自此山北來

馬頭山 在縣治西南五十里寨山西北雙峯連峙狀如馬鞍

關盧水出其東麓水經謂之馬耳山

肥鄉巨里城自山拖脉

寨山 在縣治南六十里雙尖山西北山多古柏

雞山 在縣治西南五十里有雙水泉亦為關盧之源

以上均自雙尖

發脉

危山 在縣治南四十里

黑牛嶺 在縣治西南五十里

平頂山 在縣治南七十里

胡山 在縣治南五十里脉自黃巢頂來至此山五十餘里陡

起一峯極高大東南以望連峯沓嶂與長白之摩訶峰南北

對峙為章邱之巨鎮

龍盤山 在縣治南二十八里小胡山西北十餘里

小峨嵋山 在縣治南二十五里脉從胡山之東麓河套西山迤邐而北至縣境明水之東南結為邱陵是為小峨嵋俗又呼為埠頂東麻灣之水即從此山根沸騰而出

東陵山 在縣治南十里莊子盜跖死葬東陵之上

桃花山 在縣治西南八里今名史家山

女郎山 在縣治北一里山頂有三陽洞相傳葆光子學道於此

分水嶺 在縣治南四十五里水南北分流北流逕紅溝莊西

折入溝頭莊南流逕狐山南西北流逕周家莊至溝頭莊南與北流合而入瓜漏河

野狐嶺 在縣治東南八十里又名分水嶺水自嶺東西分流東者入淄川西者入章邱為獺河之上源

劈林火山 在縣治東南九十里許為章淄萊蕪接界之山

杖杆山 在縣治東南四十餘里入長白第一峰也

長白山 在縣治東界羣峰羅列綿亘四邑統名長白此山跨四縣之境北隣鄒平而近東北去長山而遠東入淄川西南二面入章邱實海岳之神皋仙靈之窟宅

摩訶峰 在縣治東三十里長白中峯也四山環拱巍然秀特
高出諸峰上山巔有塔有禪院

水

巨合水 在縣西南七十里水經云巨合水南出雞山者誤也
出雞山者係關盧水上源考巨合源出章邱縣西南百里長
城嶺之拔梨泉西北流經完糧峪榆科泉莊東虎門莊中又
西北流經中泉泮河崖土屋東至大龍堂會諸峪之水又北
流經塔窩南折而西北流至兩岔河西南左會稍金康泉南
泉東泉澤科土頭諸峪之水二水相合兩岔河村所由名也
又西北經東彩石小龍堂東又東北經東山坡北又東北經
窪裏村東又西北至講書院東入歷城界

在章邱界內
行六十餘里又北

流經擡頭東又北流經龍山鎮西又北右與關盧水武原水合又西北為全節河以全節城而名也又西北經城子莊龍泉寺盤龍莊至鴨王口東四風開北即昔時巨河注小清河處也今則經鴨王口北西北流而百澗溝水及郭店莊東河韓倉河併白泉漫泉及團泉當道諸泉水入壩子河東北流經遥墻西注巨河西北流經青寧寺東又西北入大清河

榆科泉 在縣西南七十餘里榆科東南泉源競發入巨合

拔樂泉 在縣西南百里泉出山半涓涓不息下有漿水泉

關盧水 在縣西南六十里水經注云導源馬耳山今名馬頭

山

武原水

在縣西南五十里水經注云武原水出譚城南平澤

中世謂之武原泉北經譚城又北經東平陵故城西又北經巨河城東其水合關盧水而出注巨合水

白雲湖

舊志云在縣西北七里周六十里白雲湖一名劉郎

中陂舊雖有泉未必成湖實因夏雨秋霖章邱瓜漏河迤西平陵城迤東併亭山河危山迤北之水隨溝北注匯而為湖今介在歷章之間東南曰師行西南曰徐家莊西北曰老僧口北曰鄭社馬頭皆屬歷城得湖之七其東屬章邱得湖之

三昔由東北三里趙官橋莊南注小清今小清故道淤塞東
北流至水寨康家莊北入清河今湖水漸竭惟湖心尚生蘆葦
墨泉 在城西北十里閭馬莊南以水色如墨故名

瓜漏河 在縣西南七里許每夏秋暴雨則溢至城南與繡江
合盈涸不常時或為患瓜漏河源自石棚溝東會長城北諸
峪之澗水東流經官營莊西南轉而東南經百丈崖下會涼
水泉又東南流經車廂香石臺莊南又經邵莊東北至明杜
莊南石崖洩然入地即前志土人所名滲水灣每遇夏秋霖
潦洶湧汎溢北流經石匣莊北又北經南苗莊北苗莊東又

北經石屋莊中又東北經沙灣莊西又西北至月宮莊西右
納東南泊輪泉仰泉水又東北經準村東至陶莊東左納大
冶河水源自雙尖山北諸峪水東北流經大冶南東南流入
漏河又東北經河下莊南石納酒頭山子水及紅溝水又東
北經李官莊站裏南皋準東又東北折而西北經釣魚臺西
又西北經洛莊東又北流經朱各務石皋莊東轉而東北經
三盤莊西又東北流至金盤莊西南北橋入於繡江

繡江 在縣東一里芹藻浮動水紋如繡故名繡江源自明水
鎮東百脈泉北流至錦江橋南右納東麻灣龍眼泉左納康

氏園內金鏡泉玉帶河長川河諸水滙而為一北流經鎮東折而西北流左納鎮西南竹園清水泉北流至古槐壇磨北右納乾河水西北流水多磬折至顏家磨南分為二支一支東北流名大洋溝灌溉東北諸莊地畝入楊緒溝其經流又西北至沙河口南左納西麻灣水源出明水鎮西山北麓發地皆泉愈流愈湧北流至堂子橋左納明淨泉水又北流經硯池山東北左納狼溝水又東北流會沙河口諸支流之水折而至此復合又西北經沈家磨東營莊折而東至鐵心壩一支北流入韓家閘其經流折而北至高家橋南右納顏家

磨地洋溝水又西北經果子園又北折而西經李家亭南至李家磨東左會韓家閘水又西經宮王莊西北轉而北經樊家莊東折而西至宋家磨折為二支又西至四盤莊東復合又西經三盤莊南折而北經西皋莊西又西經金盤莊北至三盤磨左會瓜漏河又北經縣城東折而西北經康家莊南又西北經回軍鎮中即水經注所云經陽邱城中也又西北經水寨西水經注所云西北出城經黃中固也又西北至王家橋左納白雲湖水又東北經涓口西即昔時入小清處也又北流經新莊東左納羅坡河水又北經劉家莊東左納土河水又北經延安鎮西注於大清

河北河縱橫章邱境內百餘里

百脈泉 在縣南二十五里明水鎮東繡江源也

張公池 在百脈泉南之龍泉寺大悲閣南縣令張萬青有惠政邑人德之鑿此池以志遺愛故名

乾河 在縣東南二十五里明水鎮東北值夏秋霖雨山水湧溢鎮東北莊村每至沒田禾壞廬舍前邑令議請與小清河一律挑濬下流俾免水患此邑上游東南鄉之急務也源自朱家峪栗家峪西北流經官莊南折而西北經東澗西莊東又西經石河莊北左納第五峪諸水西北流注繡江

落坡河 在縣西北五十里西起羅家莊東北坡地勢窪下恒有水患康熙年邑令史在篇度高下疏河自牛家窪起至郝家溝注繡江邑人德之為立祠因名史公河

土河 在縣西北七十里臨濟鎮東北野狐寨之北宣洩臨濟鎮北諸坡行潦之水東北行數里至西柳寨入齊東界經曹馬頭北草廟頭注繡江

陳愷溝 在縣北二十五里成化時宣洩小清河水由薛渡口逕滾水壩入齊東減河東北流逕城東注大清河今跡尚存邑人陳愷即倡議開溝之人故名

瀨河 在縣東五里瀨河源出野狐嶺之石門村北流經石柵莊南右納黃花滴翠二泉水左納五岔溝水折而西至普集鎮北右納玉泉古海泉不竭師公諸泉水左納七女泉小岔河又西至博平鎮南即水經注所云楊緒溝水經於陵故城西南也左納硯池芙蓉溝南盤泉水右納玉液北盤泉諸水又西北流至相公莊西北龍灣右納天台峪水又北流經房莊東皋莊間右納車門峪水左納滋泥溝長流即繡江旁出自大洋溝來水也又北經石家堰山頭店東右納上方井聖泉水又西北經玉皇頂西刁家莊中北流入萬家口其經流至柳塘東南入小清即水經注所云經章邱城東又北逕

甯戚城西而北流注於濟水也此瀨水之源流也

小清河 在縣北三十里每遇積雨瀨水浩悍其居上游者刁

家莊一帶則患壩高壅流其居下游者段家橋鄭家道口一帶則又患壩低冲决往往相爭高下訐訟所賴有司時加疏濬此邑東北鄉之急務也

新清河 在城西北三十八里原因漯水舊跡增而深之自縣境趙百戶寨接歷城界入境東北會繡江河由五龍堂入齊東境縣境所轄共十里

黃河 在城西北七十餘里自咸豐五年北徙借大清河故道

入海上接歷城縣之濇溝而北而東下接濟陽縣之直河縣境所轄南岸計長四十餘里自同治光緒間河身淤淺屢經口決沿岸數百村疊遭水患房屋沖沒地多沙壓民生稍困大清河自咸豐五年黃河奪其道其名遂失

道路

東路 自縣城東渡繡江河至山頭店八里由此抵炭張店十二里接鄒平界

東南路 自縣城至相公莊十五里又八里至博平鎮八里至普集鎮由此復折而南十里至青野八里至石門村又二十里至三臺莊則接淄川界

南路 自縣城二十里至孫官店八里至大站莊又八里至鴛莊十里至準村鎮十二里至文祖莊再由此十里至大寨十五里至錦陽關接萊蕪界

西南路 自縣城南十五里至史家莊又十里過劉家莊再十五里至孫村由此十二里至小龍堂又十八里至邢村與歷城接界

西路 由縣城八里至溫家莊又十二里至二十里舖再五里至辛店接歷城界

西北路 由縣城十里至大溝崖又二十里至塘頭莊再由此二十里至十八戶十五里至紅廟又五里至胡家岸與濟陽歷城犬牙交錯接界

北路 由縣城十五里至舊軍鎮十里至清口再十二里至五

龍堂接齊東界

東北路 由縣城十五里至刁家莊又八里至柳塘口再十里至辛家寨接鄒平齊東兩縣界

水路 或由山發源或平地出泉俱詳本志水門舟楫不通者皆由沿途附近居民利設水磨節節蓄水惟新清河在城西北三十八里原因潔水舊跡濬而深之自趙百戶寨上接歷城來源入境至張家林以北入小清河計十里以東直達壽光縣之羊角溝往來帆檣不斷又黃河上游自胡家岸起下至張虎店一帶計五十餘里非舟筏無以利涉焉

山路 東南兩面極多固有大路平坦者亦有軌轍不通者如東路由山頭店赴鄒平長山等處沿途雖多山而皆有寬平大道可行惟東南自黃粟頂起迤邐天倉嶺野狐嶺四豎山劈林尖諸山此數十里內車馬難行西南山路由西龍洞轉接長城嶺復折而西天羅頂諸山層巒疊嶂林壑崎嶇計由邢村南至歷城千佛山以東仍有四五十里往來行人多有歎馬瘠僕痛者故縣境東西孔道現在以鐵路為最鐵路 名曰膠濟鐵路在縣境之中界由濟赴膠則自西而東從歷城界之斜溝莊入境由膠赴濟則自東而西從淄川界

之王村入境中間共設車站三處中曰明水東曰普集西曰棗園並於三處添設巡警房共十四間每處各派巡兵數名以為警察道途之備計東西所轄六十餘里

物產

天然產

五穀之屬黍稷稻穀麥豆秫藁芝麻

蔬蔬之屬芥韭葱蒜瓜茄瓠白菜辣菜苔菜菠菜生菜芹莧

芸萹荳當苘蒿萬苳蔓菁山藥芋盧菔胡盧菔蘆筍蒲筍苻

藻芡白菱芡藕子

果之屬桃李杏棗羊棗栗梨梅子柿棠山楂石榴蘋婆果沙

果蜜果文果核桃櫻桃蒲桃木瓜木梨

鱗介之屬魚蝦蟹鼈蛤蜊

禽之屬鷄鵝鴨雉鴿燕鵲鳩鸛布穀倉庚啄木禿鶯鴛鴦鷓
鴒寒號蟲

獸之屬馬牛騾驢犬羊豕貓狼兔獾狐狸刺蝟

草木之屬松柏楊柳榆槐楸桑柘榭荆檜椿椒楮梧桐黃楊
棟段木胡木竹葦蒲菖蒲書帶草

花卉之屬海棠臘梅木蘭棠棣丁香夜合牡丹芍藥菊荷木
槿木棉秋葵玉簪薔薇凌霄刺梅月季石竹鳳仙蜀葵水燕
鷄冠盆蓮剪春羅金錢玫瑰水仙

藥之屬防風柴胡遠志黃芩蒼朮苦參桔梗天麻地榆甘草

地黃薄荷艾蘇葉淡竹葉扁蓄瞿麥黃精半夏天南星紫草
石膏益母草豨薟草夏枯草香附五味子還筒子蛇牀子車
前子木鼈子急性子華麻子黑牽牛白牽牛桑白皮桑螵蛸
馬兜鈴金銀花紫花地丁
襍塵蜜臘菸葉薏苡煤炭煤砵石灰上水石

製造塵

章俗樸素小民勤勞所製物產每於農隙為之物雖不多錄
之可備一格

絲布 桑皮紙 草紙 香末 石灰 炭 鐵器 水磨

布疋 巾帶 布紗 毡貨 窑貨

商務

鹽務額票計一萬二百五十六張鹽重三百九十觔業商史復興史恒升史長正史一舉史芝岩史復順等六股租商濟泰昌一家總號設南門裡大街分店設前關山頭店炭張鋪韋陀東關郝莊辛家寨柳塘口青楊林舊軍回軍大溝崖刁家莊漯河崖東寺段家橋大義田辛店甯家埠張馬頭馬棚水寨遂家莊張家林高官寨臨濟集南柳莊呂家寨大寨十八戶席道口埠村曹范山後寨李福莊頓邱孫村邢村普集相公莊上皋莊祖營塢常坡莊牛牌莊十九郎莊明水王白莊

站裏等處銷售

當商現存八家恒茂號在東關永裕號在西關公祥號在舊軍
惠吉號在埠村金城號在相公莊廣聚號在普濟鎮恒興號
在山後寨惠祖號在馬棚莊

錢商現存六十餘家分為五鎮城關曰兩鎮埠村山後寨曰南
鎮刁家莊辛家寨水寨舊軍曰北鎮相公莊普濟曰東鎮
燒酒現共一百十餘家在本境銷售間亦外銷鄰縣每年約共
銷一百萬九千斤上下

潤布向稱貢品近已奉文停辦尚有綿線布洋線布二種以辛

家寨所織為最銷京莊及近邑

鐵器自山西運來在本境銷售並發行鄰縣

陶器厓自城南窰頭莊就地取土埽埴無方粗足成兼出石灰
比屋皆然以其價廉而工省也本境鄰境皆銷售



是書門類綦繁選錄從實亦如邑乘之有徵邑乘修於道光
癸巳前知縣事吳璋距今七十餘年矣淵自承乏茲上屢欲
續修竊以簿書鞅掌且俗吏無良史才故未敢率爾從事非
愬然也歲己巳

國家詔停科舉廣立學堂案初等教科有所謂歷史輿地格致
者其義理樸實精深欲令知方苦無善本都中編書局監督
有見於此咨請

大部條奏後通咨直省大吏分命各地方守土官編纂鄉土
志以進蓋欲以習見習聞之事養成知愛知敬之原意美法

良洵裨初學謹繹編纂大旨注重簡括固不能盡本志書而體例亦實相等至如原刊條目之兵事氏族宗教實業等類志無專門尤須編列正所以重科教也政值維新人惟求舊時設局之任采訪者有邑紳前掖縣訓導縣視學高鍾璐暨江蘇試用道孟繼笙總其事且參以孟紳瑞箴李生芳馨手編之舊本復得邑之舉人李洪鈺王翰李敦益丁慶長分纂之淵則於公餘暇日按目考查依例選錄合而編之俾不冗不遺上備採擇焉爰記起訖於篇末

光緒三十有三年春山東章邱縣知縣海州楊學淵謹書後



70000108

